

Guangjisi Minzcu Bau

ganhhau: CN45-0036 B.2018 Nd.1 Ng.10 liggaeuq dingyoux nienz ndwenit ngeihseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3307期

Heiqfoux Bouxcuengh 《Buhbwnroeg》 Youq Aen Cungsim Yisuz Vwnzva Guengjsae Yienj

大型壮族舞剧《百鸟衣》在广西文化艺术中心上演

Ndwen 1 ngoenz 4 banhaemh, heiqfoux Bouxcuengh 《Buhbwnroeg》 youq aen ranzheiq Aen Cungsim Yisuz Vwnzva Guengjsae yienjok, hainduj le Aen Cungsim Yisuz Vwnzva Guengjsae yienj heiq baez nduj. Neix hix dwg Aen Cungsim Yisuz Vwnzva Guengjsae yienj bouh heiq cinghbinj bonj dieg cauhanduj.

Bouh heiq neix dwg heiq cinghbinj cauhanduj Namzningz Si cungdenj dajcauh haenx, lwnh gangj le gij gojgaeq bouxcoz Bouxcuengh Gujgaj, Yihlij comz gij rengz bak

duz roeg, yungh vutmingh bonjfaenh hoenx hingz Duzlungz guh yak guh rwix haenx, hoizfuk bya heu raemx saw, dawz gij gyaepgouz gyaciz Bouxcuengh ndeindiq youq gwnz daizheiq yienj okdaeuq. Doengzseiz, eu fwen lauxsaed ndeidingq, buhvaq gyaundeie caeuq biujyienj diuqfoux ndeiyawj, yienj ciengz heiq ndeiyawj he hawj bouxyawj yawj. Bouh heiq neix ndaej aen hanghmoeg ngaenzgoek yisuz guekgya bangcienz gvaq, ndaej gaiq daihgouj Guengjsae langhbaej heiq heiqmoeg va'gveiq

ngaenzciengi.

Ciuq cam rox, Aen Cungsim Yisuz Vwnzva Guengjsae dwg aen gunghcwngz youqgaenj swcigih laebbaenz 60 hopbi, dangguh aen cungsim yisuz vwnzva Guengjsae goengnaengz ceiq caezcienz, doiq daezsang vunzlai vwnzva yisuz suyangj, doidoengh Guengjsae Namzningz vwnzva saehnieb caeuq vwnzva canjnieb hwnghfat, gyalai Cungguek caeuq guekgya Dunghmungz vwnzva doxgyau miz gij yiyouqgaenj.

(Dwng Lingz)



Lingzyinz Yen Banh Ciet Vwnzva Romj

凌云县举行蓝靛文化节

Ndwen 1 ngoenz 6 daengz 7, gaiq daihngaih Lingzyinz Yen ciet vwnzva romj "gimdeihmonz" youq Lozlouz Cin Mozcnh Cunh Mbanjsinhcai banh. Beixnuengx Yauzcuz dangdieg ndang daenj buhvaq minzcuz moqsag doxcomz giz ndeu, banh aen vwnzyi vanjvei, feizdong vanjvei daengj, yungh doiq fwen daengj gij fuengsik miz fungcingz minzcuz neix angqhoh aen ciet minzsuz conzdungj neix, hawj gyoengq bouxhek ndaej daejniemh gij saedceij minzsuz vwnzva Mbanjyauz yiedcingz hoengghwd haenx. Ndaw doz dwg gyoengq vunzlai cingq yawj yienjheiq.

(Lij Caijlanz/李彩兰)

Denhngoz Yen Yungh Lai Cungj Banhfap Guh Ndei Hong Vwnzva Minzcuz Haeuj Hagdangz

天峨县多举措抓好民族文化进校园工作

Bi 2017 doxdaeuq, Denhngoz Yen cungfaen leihyungh hagdangz aen dieg gyauyuz caeuq cienzboq neix, gvangqlangh haiguh hong vwnzva minzcuz haeuj hagdangz, hawj gak cuz hagseng roxyiuj vwnzva minzcuz, hag vwnzva minzcuz, swnjcienz vwnzva minzcuz, hagdangz vwnzva minzcuz heiqfaenh naekgywg, gij yenzsu vwnzva minzcuz yienhda.

It dwg laebbaenz aen lingjdauj siujcuq hong vwnzva minzcuz haeuj hagdangz miz hagdangz yaucangj camgya haenx, baujchang hong vwnzva minzcuz haeuj hagdangz ndaej cingqciengz guh. Ngeih dwg dingh'ok gij fueng'anq hengzguh hong son'gyauq vwnzva minzcuz,

aeu son'gyauq vwnzva minzcuz liedhaeuq gij neiyungz son'gyauq sonhag caeuq guhhong dajveh bae, daj hozdung ciengzdieg, hozdung gicaiz, gij ngaenzcienz hozdung daengj hawj daegbied baujchang. Sam dwg gyagiengz hwnjguh aen doih lauxsae, gaenxmaenx cujciiz lauxsae camgya gak gaep gak loih son'gyauq yezvu vwnzva minzcuz haenx, lai roenloh daezsang gij suijbingz yezvu caeuq gij naengzlig guhhong lauxsae. Seiq dwg youq dangzgoq sonhag hawj baujchang, dangzdijyuz minzcuz diyyuz sonhag neiyungz ciemq cungj dangzdijyuz sam faenh cih it doxhwnj, dangzciengqgo aeu fwen dangdieg gvihaeuq sonhag neiyungz, haiguh hwnjguh ndawhag

miz daegsaek minzcuz caeuq go minzcuz, foux minzcuz, dinfwngz minzcuz, diyyuz hozdung minzcuz gig miz daegsaek dangdieg haenx, daezhawj aen bingzdaiz hawj hagseng langhbaej dungxcaiz minzcuz vwnzva. Haj dwg binaengz ndaw yienh banh ciet lijyouz vwnzva caeuq aen vanjvei coux ndwencieng cungj ceijdingh hagdangz anbaiz gij cezmuq diyyuz vwnzva minzcuz camgya yienjok. Roek dwg gyagiengz yienh caeuq yienh, hagdangz caeuq hagdangz doxgyau dox baedauq hozdung, mboujduenh daezsang hagdangz lauxsae hagseng roxyiuj vwnzva minzcuz.

(Veiz Gozdai)

SIUSIK DINJ

简讯

●Ndwen 1 ngoenz 4, Liujcouh Si banh aen hozdung guh ndei loqsiengj hawsingz gvansim lwngyez louz mbanj, cingj 25 boux lwngyez louz mbanj youq runghbya Sanhgyangh Dungcuq Swciyen caeuq Yungzanh Yen daeuq haenx haeuj hagdangz hawsingz, cawjdaez lozyenz, gohbuj gihdi daengj dieg haiguh daejniemh hozdung, hawj gyoengqde youq mwh angqyangz ndaej daengz hagsib.

(Liz Hanzsiz)

●Mboengqneix, aen giyez simndei daengz Nanzdanh Yen Cunghbauj Myauzcuz Yangh Lahnaz Cunh Lahnaz Siujyoz, haiguh simndei giensoengq hozdung, dawz 260 dauq buhvaq hagdangz soengq bae hawj gyoengq lwngyez, soengq laex caeuq hohfuk bae hawj lwngyez mbanj bya.

(Denz Siyenj Dwng Bingz)

●Bi 2017 doxdaeuq, Sihlinz Yen vih gaijgez gij leih'ik vwndiz gyoengq ranz giva senglwg ceiq gvansim, ceiq cigsoh, ceiq saedsaeh haenx, gyalai bued roengz ngaenzcienz, doenggvaq ciengj, gouqcaeq, bang daengj fuengsik, bi 2017 gungh fat gak hangh ngaenzcienz bang ciengj giva senglwg 473.453 fanh maenz, daezsang le gyoengq vunzlai gij gaenxmaenxsingq, cawjdoenghsingq saedhengz giva senglwg.

(Cinz Yizfungh)

●Mboengqneix, Lungzswng Gak Cuz Swciyen banh aenban son'gyauq bouxbaetsauq, son'gyauq fapldw fapgi, cizyez dauwz, dinfwngz gaemguenj daengj fuengmienh cihisiz hawj 80 lai boux mehmbwk gunghoj lajmbanj caeuq boux saetnieb roengzgangj hawsingz mbouj aeu cienz, mizyauq coicaenh boux vunz couhnieb hoj lajmbanj dangdieg onjdingh couhnieb.

(Vuz Swngbinh)

●Geij bi neix daeuq, Denzdungh Yen yungh doicaenh canjnieb ak yienh cizgiujcan guh seizheiq, guh ndei guh ak youzczaz canjnieb, doidoengh youzczaz canjnieb onjyamq hwnghfat. Seizneix, daengx yienh ndaem youzczaz 12.1 fanh moux, dawz mak mienhcik 9.8 fanh moux, ngveih youzczaz canjliengh 9050 dun, cungj gyaqcienz 12670 fanh maenz, coicaenh bouxguhnaz laisou, bang doi lajmbanj saenqhwhg.

(Dangh Sezyingz)